



PREZIDÉNSIA
KONSELLU
MINISTRUS
VIII GOVERNUN KONSTITUSIONÁL



Gabinete
Porta-Voz

KOMUNIKADU IMPRENSA

Sorumutuk Konsellu Ministrus nian iha loron 14 fulan-novembru tinan 2018

Konsellu Ministru reuni iha Palásiu Governu, iha Díli no hahú ho apresentasaun hosi Sekretariadu G7+ ne'ebé halo tiha apresentasaun badak ida hodi atualiza atividade hirak ne'ebé grupu ne'e halo ona, hahú kedas grupu ne'e hamriik, ho iniciativa Timor-Leste nian, to'o daudauk ne'e, ho destake prinsipál ba kontribuisaun no lideransa Timor-Leste nian iha prosesu hotu. Atu hatutan mós katak grupu ida-ne'e iha nia sede iha Díli no iha mós representasaun iha Lisboa, Portugal. Grupu ne'e nuudar organizasaun ida intergovernamentál ne'ebé kompostu hosi nasaun 20 be nuudar nasaun frázil no afetadu tanba konflitu.

Komisaun Nasionál Aprovizionamentu apresenta ba Konsellu Ministru kona-ba prosesu konkursu hodi halo kontratu atu hadi'ak no halo manutensaun ba estrada Baukau-Vikeké, ne'ebé finansia liuhosi hetan empréstimu hosi Banku Aziátiku ba Dezenvolvimentu. Projetu ne'e maka (ICB/046/MOPT-2017) no projetu ne'e iha faze rua Baukau-Venilale no Venilale-Vikeké.

Governu aprova tiha proposta Dekretu-Lei kona-ba orgánika hosi Ministériu Interior, hanesan departamentu governamentál responsável ba konsesaun, ezekusaun, kordenasaun no avaliasaun ba política, be define no aprova hosi Konsellu Ministru ba área seguransa interna, investigasaun kriminal, migrasaun no azilu, kontrolu ba fronteira, protesau sivil no seguransa rodoviária no kopersaun polisiál.

Governu aprova tiha mós proposta Dekretu-Lei kona-ba orgánika hosi Ministériu Solidariedade Sosiál no Inkluzau, hanesan entidade governamentál responsável ba



Palácio do Governo,
Avenida Presidente Nicolau Lobato,
Díli, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

konsesaun, ezekusaun, kordenasaun no avaliasaun ba polítika, be define no aprova ona hosi Konsellu Ministru, ba área seguransa sosiál, assisténsia no reinsersaun komunitária.

Governu aprova tiha mós proposta Dekretu-Lei kona-ba lei orgánika hosi Ministériu Agrikultura no Peska, hanesan departamentu governamentál ne'ebé responsável ba konsesaun, ezekusaun, kordenasaun no avaliasaun polítika, be define no aprova ona hosi Konsellu Ministru, ba área agrikultura, floresta, peska no pekuária.

Governu aprova tiha mós proposta Dekretu-Lei kona-ba lei orgánika ba Sekretaria Estadu ba Igualdade no Inkluzan, hanesan departamentu governamentál ne'ebé koadjuva Primeiru-Ministru, responsável ba konsesaun, ezekusaun, kordenasaun no avaliasaun ba polítika, be define no aprova ona hosi Konsellu Ministru ba área promosaun ba igualdade jéneru no inkluzan, halakon diskriminasaun no violénsia kontra fetu no labarik sira, nomós partisipasaun fetu sira nian iha vida polítika no sósiuekonómika.

Konsellu Ministru aprova tiha mós proposta Dekretu Governu ne'ebé Sekretaria Estadu ba Protesaun Sivil apresenta kona-ba atu fó subsidiu alimentasaun ba funcionáriu sira iha Diresaun Seguransa ba Patrimóniu Públiku, ho funsaun halo vijilánsia ka eskala ba servisu iha kalan no fin de semana. **REMATA**



Palácio do Governo,
Avenida Presidente Nicolau Lobato,
Dili, Timor-Leste